




Broj: 03-33-2-1641-1/22  
Mostar, 16.12.2022. godine



**FAKULTET POLITIČKIH NAUKA  
UNIVERZITET U SARAJEVU  
71 000 Sarajevo  
Skenderija 72**

**Predmet:** Mišljenje, dostavlja se  
**Veza:** Vaš e-mail od 30.11.2022. godine

Poštovani,

U vezi vašeg upita, dostavljamo vam mišljenje o inostranoj visokoškolskoj kvalifikaciji. Inostrana visokoškolska kvalifikacija, koja se dokazuje uverenjem, broj: M2021072 od 20.09.2022. godine, izdanim na ime Ahmedin Škrijelj, stečena je završetkom master akademskih studija na studijskom programu Politikologija – međunarodne studije na Fakultetu političkih nauka Univerziteta u Beogradu, Republika Srbija, te je njome stečen akademski naziv *master politikolog za međunarodne poslove* i 60 ECTS bodova.

Uvidom u dostavljenu dokumentaciju, kao i informacijama dobivenim od nadležnih tijela Republike Srbije, čijem sistemu pripada inostrana visokoškolska kvalifikacija, utvrđeno je sljedeće:


1. Fakultet političkih nauka Univerziteta u Beogradu, koji je dodijelio kvalifikaciju, priznat je kao dio visokoškolskog sistema Republike Srbije.
2. Studijski program Politikologija – međunarodne studije, čijim završetkom je stečena kvalifikacija, priznat je kao dio visokoškolskog sistema Republike Srbije.
3. Visokoškolska kvalifikacija *master politikolog za međunarodne poslove*, izdata na ime Ahmedin Škrijelj je vjerodostojna.
4. Nominalno trajanje studija je 1 godina, odnosno 2 semestra i 60 ECTS bodova.
5. Prije pristupa navedenom studiju, osoba je na Fakultetu za obrazovanje diplomiranih pravnika i diplomiranih ekonomista za rukovodeće kadrove u Novom Sadu Alfa Univerziteta Beograd, stekla diplomu o visokom obrazovanju i stručni naziv diplomirani pravnik. Sadašnji naziv ove visokoškolske ustanove je Fakultet za poslovne studije i pravo, djeluje pri Univerzitetu “Union – Nikola Tesla” i takođe je priznat kao dio visokoškolskog sistema Republike Srbije.
6. Predmetna kvalifikacija je pozicionirana na nivo 7.1 Nacionalnog okvira kvalifikacija Republike Srbije (NOKS), što odgovara nivou 7 Evropskog kvalifikacijskog okvira (EQF) te nivou 7 Odluke o usvajanju Osnova kvalifikacijskog okvira u BiH (“Službeni glasnik BiH”, 31/11 i 39/12).
7. U pogledu nastavka obrazovanja, osoba ima pravo pristupa doktorskim akademskim studijama i specijalističkim akademskim studijama.

S obzirom na navedeno, mišljenja smo da biste trebali izdati privremeno rješenje o priznavanju navedene visokoškolske kvalifikacije, sa svim pravima koja nosiocu kvalifikacije pripadaju u pogledu nastavka obrazovanja, a koje će važiti do zvanične promocije i dodjele diplome te predmetnu visokoškolsku kvalifikaciju priznate kao *master politikolog za međunarodne poslove i 60 ECTS bodova*. Također, napominjemo da visokoškolska ustanova, u skladu s autonomijom, propisuje uslove pristupa pojedinim ciklusima visokog obrazovanja, kao i pojedinim studijskim programima.

S poštovanjem,

Dostaviti:

1. Naslovu
2. a/a



**direktor**

**mr. Damir Ljubić**